

EM 2018/46

Tillie Martinussen

18. oktober 2018

(Inatsisartunut ilaasortaq Aqqaluaq B. Egede, Inuit Ataqatigiit)

Ingerlatseqatigiiffimmik, Namminersorlutik Oqartussat aalajangiisuusumik sunniuteqarfigisaanik, aatsitassanut suliniutinik pilersaarusiornermik qalluinermillu siunertaqtumik pilersitsinissaq pillugu, Naalakkersuisut kingusinnerpaamik UPA2020-mut nassuaammik saqqummiussinissaat pillugu, Inatsisartunut aalajangiiffigisassatut siunnersuut. Nassuaammi ilanngullugu, ingerlatseqatigiiffimmut aningaasalersueriaatsit piginneqatigeeriaatsillu ilanngunneqarnissaannik, Naalakkersuisut kissaateqarfigineqarput. Nassuaammissaaq, aatsitassanut suliniutinut qanoq annertussusilinnut ingerlateqatigiiffiup aningaasalersuinissaanik piviusunngortitsinissaanullu siunnerfilerneqarnissaa ilanngullugu, eqqarsaatigineqassaaq.


(Inatsisartunut ilaasortaq Tillie Martinussen, Suleqatigiissitsisut)

Uani siunnersuummi tunngaviusumik kissaatigineqarpoq immikkoortup paasiuminaalluinnartup misissorneqarnissa, pineqarunarlutik aatsitassat, uulia gas-ilu - piaanissaq aallaqqaammut. Tamanna eqqortumik paasisimanerpara?

Nunarsuup sinnerani aatsitassat akiinut tunngatillugu angisuumik qulartoqarnera, aatsitassanik nunarsuup pisariaqartitsinerata allanngorsinnaanera kiisalu aatsitassarsornerup, assartuinerup il.il. imaannaanngissinnaanerisa matumap suliarinissaa ajornakusoortippaa.

Aamma apeqquataavoq siunissami aningaasaliinerit sorliit atorusussanerigut aamma qanoq immikkut ilisimasallit aggersartassanerigut - minnerunngitsumik Naalakkersuisut Inatsisartullu paarlakaajaattuartut akornanni politikkikkut isumaqatigiinnissaq.

Aalajangertussaavarput annertuunik, annikitsunilluunniit aallartitsissanerluta - aamma suliffissuaqfinni assigiinngitsuni iluanaarutit qanoq ilissavagut aamma qanoq iliorluta



nalunaarsussavagut piuinnartillugillu avatangiisirut malitassat, anissuineq nakkutigissavarput
kiisalu aningaasaliissutit akuersaarneqarsinnaasut.

Taamaattumik Suleqatigiissitsisuni paatsugassutigikujupparput sooq politikkikkut
ingerlatseqatigiiffimmik atortussianik aatsitassanillu piaasussamik pilersitsissanerluta politikerinit
aunneqartussamik? Tamanna iluamik paasivara?


Tassa imaappoq nunarsuarmi aningaasanik niuerfissuarnut unammillissaagut aamma
unammillissavagut ingerlatseqatigiiffiit immikkoortortallit, ingerlatseqatigiiffinnik pisiortortartut,
aallartitsisartunik imaluunniit nunanngortitassanik misissueqqaartartut, niuerfimmi
misilittagaqarfiginngilluinnakkatsinni imaluunniit immikkoortumi ukiorpassuarni
isumaqatigiiffigisinnaanngisaannakkatsinni.

Unammilleqatigiinnermut tunngatillugu eqqartorpagut ingerlatseqatigiiffiit aningaasarpassuarnik
uangut Aningaasanut Inatsisitsinni aningaasartuutinit arlaleriaammik amerlanerusunik
katersisinnaasut imaluunniit immikkoortunut tamakkiisunut aningaasanut inatsisitsinni
atingaasartuutitsinnut naleqqiullugu arlaleriaammik amerlanerungaartunik katersisinnaasut
aammali uangut suliluunniit isumaqatigiissutiginngilarput; uranimik piaanissaq, royalties,
sullissinerup kingaappallaarnera, apeqqutit avatangiisirut tunngasut, iluanaarutissat,
akileraartarnermi malittarisassat aamma iluarsartuussinerit, piffissaq ungasinnerusoq isigalugu
politikkut sunut tamanut tunngasunut isumaqatigiissuteqarnissaq imaluunniit suliat soorlu
aatsitassanut aningaasaateqarfimmut tunngasut ilaalu ilanngullugit.

Nunami maani ilisimasanik katersinissaq allaanerujussuuvoq ingerlatseqatigiiffimmik
aatsitassarsiornermut aningaasaliisussamik piviusunngortitsisussamullu naleqqiullugu, naak
eqqarsaat kusanaraluaqisoq, piginnaasanik ilisimasanillu sanarfinissaq kiisalu isertanik nunamut
tuttussanik qularnaarussinissaq.

Kisianni isumaqarpugut maannakkuugallartukkut suli inerissimanngikkallarpugut.

Piumasaqaatit sinaakkutissat patajaatsut ukiorpassuarni qulakkeernikuunngilagut suli aamma
tamanna pissutaalluni nunat aningaasaliiffigissallugit qularnaatsut nalunaarsorsimaffianni Forbesimi
ammuinnaq ingerlanikuuvugut. Aamma sullisisarnerput sivilisualiarujussuarpoq aamma
Aatsitassarsiornermut malittarisassat piumallerlatalu allanngortittakkagut ersarluppallaqaat.



Aamma qularnarpoq pitsanngoriartoqarnissaa nammineq ingerlatsivitsinni suliniutit, politikkikkuut suliniutit, inatsisit malittarisassallu arlallit sinaakkutinut patajaallisaasussat siumoortumik iluarseqqaartinnagit. Suli suliassaqangaatsiarpugut aamma nunarsuarmioqatitsinnik suleqateqarsinnaanerput ajorpallaaqaaq.

Ilaatigut avatangiisinut aamma aatsitassanut inatsimmik ingerlatsinerput ersarluppallaaqaaq, tassani aatsitassat eqqarsaatigalugit akissussaaffit agguataarsimaneri illorsorneqarsinnaanngitsumik inissisimapput suli.

Taamatuttaaq aamma avatangiisinut immikkoortumi akisussaaffik suli inissinneqannngilaq kiisalu Danmarkip Kalaallit Nunaatalu sikkik suli inissinneqarnikuunngilaq.

Tamakku tamarmik suliareqqaartariaqarput politikkikkuut pisinnaatitaaffitta iluani aatsitassarsornermut aningaasalersuisussamik ingerlatseqatigiiffiliussanerluta aalajangertigata.

Massakkukt ikerinnakkut politikkikkuut akuleruttoqarsinnaanera qanippallaaqaaq aamma immikkoortut misissorneqarnikuunngitsut, taamatullu peqqissuseq, aningaasaliinissat, aningaasaliissut qularnaveequtissaat kiisalu peqquserlutsaaliuineq aamma ammasumik ingerlatsinikkut periuseqarnissaq eqqarsaatigalugit mianersorallartariaqarpugut taamaattumik ingerlatseqatigiiffimmik pilersitsisinnata.

Taamatut naatsumik oqaaseqarluta inassutigaarput matumap siunnersuutip ataatsimiitaliami suliarineqarnissaa aamma kissaatigaarput pineqartumik nassuaasiорнеруп akilersinnaassusaa pillugu tigussaasumik ataqtigiiссumillu nalilersuisoqassasoq naak immaqa aatsitassarsiornerup iluani unamminartut periarfissallu nutarternissaannut tunnganerugaluartoq kingullermik immikkoortoq pillugu nassuaasiortoqarnissaa inniminneratsiguli.

Qujanaq oqaaseqarsinnaagama.



SULEQATIGIISSTSUT
SAMARBEJDSPARTIET